

Fraga, inter *Ilerdam* & *Cæsaraugustam*: *Gallica Flavia* Ptol. *Gallicum* Antonino, ut *Varrerius* cenfer: Alii *Gallia* locant, ubi nunc *Zuera*, in cuius agro vetustorum Pavimentorum vestigia visuntur. *Gurrea* olim *Forum Gallorum*, Antonino inter *Cæsaraugustam* & *Pyrenæos*. *Ajervium*, in cuius solo quondam stetit creditur *Ebellinum*, Antonino cum aliis nominatum. *Vrgella*, *Orgellum* Aimonio, *Orgia* forte Ptol. Opidum haud procul *Sicoris* fonte. Fuerunt & alia Opida, sed quæ diruta, quorumque nulla hodie vestigia. Inter illa non ignobilis *Calagurris Nafica*, alia ab ea quæ in *Navarra*. Cives ejus *Calagurritani* nominantur ab *Cæsare* i belli civilis *Commentario*: eo- que corporis sui custodes habuisse *Augustum* notat *Suetonius* in ejus vita cap. xli. *Plinius* *Naficas* cognomi- nat. Fluvii hic sunt *Iberus*, *Gallego*, & alii.

Catalonia.

Regio unde dicta

Vlt. edij.
motu ipso
ex m. f. f. f.
vide m. f.

Situs.

Soli qualitas.

Urbes.

De Amib. Dorian.
vide Tolet.

Catalonia vulgo *Catalunna* sequitur. Nomen illi impositum putat *Volaterranus* ab *Gothis* & *Alanis*, scri- bendamq; esse *Gothalaniam*. *Beatus Rhenanus* lib. i. *Rer. German.* *Cattalaniam* arbitratur appellatam ab *Cattis* & *Alanis*, qui junctim in eam *Hispaniæ* portionem proruperunt. Alii ab *Castellanis*, antiquis *Hispaniæ* populis, qui hisce locis sua habuerunt domicilia, denominatam judicant. Sunt etiam, qui nuncupatam *Cathaloniam* tradunt ab *Othogero* *Cathalone*: de quo multa præter alios, *Marineus Siculus* li. ii. de *Reb. Hisp.* & *L. Valla* de *Ferdinando Aragon. Rege* lib. i. Hæc *Pyrenæis* montibus, *Mari Mediterraneo*, flu- minibusque *Ibero* & *Cinga* terminatur. Regio ipsa ut plurimum sterilis est, ac magis *Fructuum* quam *Frugum* abundans, & *silvestrium* quam *domesticorum*. *Metropolin* habet hodie *Barcelonam*, urbem pulcherrimam, quæ in *Maris Mediterranei* littore sita meram redolet antiquitatem, complures servans rei probandæ lapides vetustos. *Conditor* ejus fertur a plerisque *Hispaniarum* illustratoribus *Amilcar Barcha* cognomine, filius *Anni- balis Carthaginensium Ducis*: qui victa classe, a militibus in crucem fuit sublatu: pater autem *Annibal*, magni istius *Imperatoris*: *Barcinon* Ptol. *Barcinus* *Paullino*: *Barcilona* *Iornandi*. *Faventia* etiam quondam, teste *Plinio*, *Laudat* hanc *Urbem* multis verbis *Marineus Siculus* *Rer. Hisp. lib. xlii*, qui & situm ejus describit lib. xv. Fuit olim multo minor, quam hodie conspicitur, ab littore *maris* uno fere *stadio* remota. Habebat por- tas quatuor, quæ totidem *Mundi plagas*, spectabant, æquo fere omnes *spacio* inter se distantes, quæ adhuc in ipso pene *umbilico urbis* visuntur: cælata gerentes *Capita Bubula*, altæ *pacis*, ut nonnulli volunt, & *quietæ* & *agriculturæ* symbola. *Lapsu temporis* bis prævalidis *muris* *superbisque turribus* est cincta, inque tantam *paulla- tim magnificentiam* excrevit, ut multo merito *Caput* hodie censeatur *Cataloniæ*. De *Barcinonis Comitibus* eorumque origine consulendi *Rodericus Toletanus* lib. vi de *Reb. Hisp.* cap. i. i. & *L. Marineus* lib. ix. Se- quuntur hanc *Tarraco*: *Tarracon* Ptol. & *Strab.* *Tarragona* hodie. *Urbs* olim tam *celebris*, ut potiori *Hispaniæ* parti nomen dederit. *Maritimarum* opulentissima *Melæ* lib. ii. *Uiqua*, *Vique* vulgo, vel *Vich*: *Ausa* Ptol. *Authetanorum* *Urbs*. *Girona*, *Geronda* *Plin.* & *Ant.* *Tortosa*, quæ *Dertosa* *Pt.* *Dertosani* *Populi* apud *Plinium*. *Lerida*